

## Alana publica este venres o seu novo disco, *Un saber*

Un dos proxectos máis singulares da nova escena musical galega presenta o seu segundo traballo discográfico, no que explora os ritmos da nosa tradición oral, coa súa característica base electrónica e pop, nun disco de evolución e madurez, ritmicamente diverso, para bailar, cantar, gozar e... emocionar

*Un saber* (título que fai referencia ao saber popular das señoras) poderá escoitarse en todas as plataformas dixitais desde este venres, 10 de abril:

<https://alana.lnk.to/UnSaber>

O LP conta coas colaboracións de Pan.Sen.Fron, Guillermo Fernández, Casapalma, Galician Army, Charanga Benofán, Andrés Boutureira e Bieito Pereira, mentres que a posta en escena corre a cargo das escenógrafas e iluminadoras As dúas e punto

A Sala Capitol de Santiago de Compostela acollerá o concerto de presentación do novo disco de Alana o sábado, 18 de abril, ás 21.30h, coas últimas entradas dispoñibles en: <https://salacapitol.entradas.plus/entradas/es/alana-capitol>



Eloy Vidal, Antía Vázquez e Pablo Castro son Alana © augasalgada

**Galicia, 8 de abril de 2026.-** *Un saber*, o agardado novo traballo discográfico de Alana, verá a luz este venres, 10 de abril, en todas as [plataformas dixitais](#). Un dos proxectos máis singulares da nova escena musical galega presenta, así, o seu segundo LP, no que explora os ritmos da nosa tradición oral, sen perder a súa xa característica base electrónica e pop, nun disco de evolución e madurez, ritmicamente diverso, para bailar, cantar, gozar e... emocionar.

*Un saber* (título que fai referencia ao saber popular das señoras) conta coas colaboracións de Pan.Sen.Fron, Guillermo Fernández, Casapalma, Galician Army, Charanga Benofán, Andrés Boutureira e Bieito Pereira, mentres que a posta en escena corre a cargo das escenógrafas e iluminadoras As dúas e punto.

A Sala Capitol de Compostela acollerá o concerto de presentación deste novo disco de Alana o sábado, 18 de abril, ás 21.30h, coas últimas entradas aínda dispoñibles [aquí](#).

Alana son Antía Vázquez, Eloy Vidal e Pablo Castro. O seu é un proxecto novo, diverso, cunha potente posta en escena e unha importante vinculación coa tradición e o baile; unha proposta que parte das recollidas e mestura a música tradicional con ritmos de base electrónica e pop, nunha coidada e xa característica produción musical. Con este novo traballo discográfico, Alana reflicte o seu cambio vital e amosa, tamén, unha continuidade, desde aquel *O xeito á Cántigha*, a súa primeira e festexada ópera prima.

Agora, a banda regresa con máis forza se cabe, e coas mesmas gañas de seguir facendo o que máis lles apaixona: “Desde o noso primeiro disco, houbo moitos cambios en nós, tanto a nivel profesional como a nivel persoal, e pensamos que o disco reflexa este cambio. Pero é, tamén, unha continuación: queremos que sexa un disco que transmita o ben que o pasamos facendo música; un disco para bailar, cantar, gozar e, se cabe, emocionar”.

O proxecto contou para o seu desenvolvemento co apoio da Xunta de Galicia a través da Axencia Galega das Industrias Culturais (Agadic).

### **UN SABER, UN DISCO PARA BAILAR, CANTAR, GOZAR E EMOCIONAR**



“*Un saber* é unha evolución sobre como empezamos a vivir a música nos primeiros tempos de Alana e como o facemos agora... A nivel rítmico, é un disco moi diverso, xa que exploramos a meirande parte dos ritmos da nosa tradición oral. En moitos casos, as cancións están ligadas con momentos ou persoas que foron importantes nas nosas vidas”, apunta a banda. E continúa: “Había unha idea que nos rondaba na cabeza desde hai tempo, e era a pouca importancia que lle daban as propias informantes á música que facían, algo que xa sabíamos, pero que nos segue sorprendendo a día de hoxe”.

Antía, Eloy e Pablo apuntan, tamén: “O libro publicado por Beatriz Busto Miramontes, *Pandereteiras de Mens*, fala de como Prudencia, Asunción, Manuela, Adela e Teresa -e, como elas, tantas mulleres no noso país-, non tiñan unha «*conciencia directa de que detrás da práctica de tocar a pandeireta, cantar e bailar houbera un saber musical*». Para elas a música eran esas charangas ou murgas, pensaban que o seu non constituía un ‘saber’ en si mesmo, e de aí o nome do disco”.



Para Alana, esa música constitúe algo de tan alto valor, de tan amplo coñecemento e de tan grande saber que “queríamos aportar o noso pequeno grao de arena para seguir con ese legado que nos deixaron e nos deixan”.

### **ALANA: RAÍZ, RITMO E REVOLUCIÓN**

Alana é un dos proxectos máis singulares da nova escena tradicional galega. Unha formación musical á que dan vida Antía Vázquez, Eloy Vidal e Pablo Castro, e que mestura a música tradicional con ritmos de base electrónica e pop. Unha proposta nova, diversa, cunha potente posta en escena e unha importante vinculación coa tradición e o baile.

O marcado estilo persoal da banda levounos a compartir escenario con artistas como Rodrigo Cuevas e a participar nalgunhas das principais citas musicais galegas, como o Atlantic Pride ou o Festival Internacional do Mundo Celta de Ortigueira; pero, tamén, en programacións noutros lugares da Península Ibérica e de Europa, formando parte de espazos como o Festival Interceltique de Lorient (Francia) ou o Terra fest de Genève.

No seu primeiro ano de vida foron gañadores do Premio Xuventude Crea na categoría de música, gañadores do concurso de bandas do Festival Internacional do mundo celta de Ortigueira, no que tiveron a ocasión de tocar en dous anos consecutivos, finalistas como mellor proxecto de folk nos Premios da música galega Martín Códax e semifinalistas como mellor álbum en galego nos Premios MIN. *O xeito á cántigha* é o seu primeiro disco, mentres que *Un saber* é o seu segundo traballo.

### **CONTACTO DE PRENSA**

*The Office Comunicación*

Luisa Castiñeira | 620 113 155

[luisa@theofficeco.es](mailto:luisa@theofficeco.es)

### **DISTRIBUCIÓN ALANA**

*Urdime*

Ángela Vila | 698 132 935

[angela@urdime.net](mailto:angela@urdime.net)

<https://urdime.gal/musica/Alana/>

### **KIT DE PRENSA ALANA**

<https://cutt.ly/Press-kit-ALANA-Un-saber>

### **LINK ESCOITA UN SABER, DE ALANA**

*(a partir do 10 de abril)*

<https://alana.lnk.to/UnSaber>